

Arjiga Deeqda Waxbarashada ee Waxbarashada Waqtiga Hore - Pathway I

Tilmaamaha

Waa Maxay Deeqda Waxbarashada ee Waxbarashada Waqtiga Hore?

Deeqda Waxbarashada ee Waxbarashada Waqtiga Hore- Pathway I waxay ka caawin karta in ilmahaagu dhigto goobta xanaanada daryeelka caruurta iyo waxbarashada hore oo tayo sare leh si aad uga caawiso ilmahaaga inuu diyaar u noqdo kindergarten. Lacagta deeqda waxbarasho waxaa si toos ah loo siin doonaa barnaamijka aad dooratay ee kaqayb qaadanaya Parent Aware. Parent Aware waa qalab qiimayn ah oo ka caawinaysa waalidiinta inay doortaan barnaamijyada daryeelka carruurta (child care) oo tayo sare leh. Wixii macluumaad dheeraad ah, booqo [bogga Parent Aware](http://ParentAware.org) (ParentAware.org).

Xasuusin: Caruurta waxaa lasiin karaa oo kaliya hal deeq waxbarasho 12 bilood gudahood oo isku mar lama wada siin karo deeqda waxbarashada Pathway I iyo Pathway II.

Halkee ilmahaagu ku isticmaali karaa deeqda waxbarasho?

Waxaad ku isticmaali kartaa Deeqda Waxbarashada Waqtiga Hore - Pathway I barnaamij kasta oo ka qayb qaadanaya barnaamijka Waqtiga hore oo haysta Parent Aware oo Minnesota dhexdeeda ah oo uu ilmahaagu u dhigto si joogto ah.

Ilmahaagu uma baahna inuu ka diiwaangashan yahay ama dhigto barnaamij marka aad codsaneyso Deeqda Waxbarasho Carruurnimada Hore. Si aad u hesho barnaamij u qalma, fadlan la xiriir khadka taleefanka ee Macluumaadka Adeegyada Daryeelka Carruurta ee Child Care Aware ee Minnesota (888-291-9811) ama booqo boga internetka [Parent Aware](http://ParentAware.org) (ParentAware.org). Waxaad isticmaali kartaa isla ilaha/khayraadka haddii ilmahaagu hadda ku jiro barnaamij laakiin aad jeclaan lahayd inaad sahamiso xulashooyinka kale. Hubi inaad u sheegto Maamulaha Aagga wixii ku saabsan doorashadaada barnaamijka haddii lagu siiyo deeq waxbarasho.

Tirada lacagta deeqda waxbarasho waxay ku salaysan tahay heerka qiimeynta Parent Aware ee barnaamijka aad doorato.

Heerka Qiimaynta Barnaamijka ee Parent Aware	Qadarka deeqda waxbarasho: Degmada Iskuulka ee Xarunta ku Saleysan, Iskuulka Charter-ka, iyo Head Start	Qadarka deeqda waxbarasho: Daryeelka Carruurta Qoyska ee Shattiga leh
Qiimaynta Afar-Xiddig ee Parent Aware	Ilaa \$15,000 ilmihiiiba	Ilaa \$12,000 ilmihiiiba
Qiimaynta Saddex-Xiddig ee Parent Aware	Ilaa \$9,000 ilmihiiiba	Ilaa \$9,000 ilmihiiiba
Qiimaynta Hal-ama Laba-Xiddig ee Parent Aware	Ilaa \$6,000 ilmihiiiba	Ilaa \$6,000 ilmihiiiba
Heshiiska Ka-qaybgalka oo la Saxiixay	Ilaa \$5,000 ilmihiiiba	Ilaa \$5,000 ilmihiiiba

Ilmahaygu ma u qalmaa?

Carruurta waa inay buuxiyaan shuruudaha xaq u yeelashada da'da ugu yaraan hal qayb oo hoos ku taxan wakhtiga la siinayo deeqda. Carruurta waxay ka waynaadaan xaq u yeelashada Barnaamijka Deeqda Waxbarashada Carruurnimada Hore (a) maalinta ay u qalmaan kindergarten (da'da 5 sano uu yahay bisha Sebtember 1), ama (b) maalinta ilmaha loo diiwaangeliyo oo uu xaadiro kindergarten, hadba kii soo horeeya. Marka ilmaha la siiyo deeq waxbarasho, waxay xaq u leeyihiin inay sii wadaan qaadashada deeqda waxbarasho illaa ay ka waynaanayaan.

Carruurta waa inay buuxiyaan shuruudaha soo socda ee da'da midkood:

- Carruurta da'doodu tahay 3 illaa 4 sano bisha Sebtember 1 ee sannad-dugsiyeedka hadda, ama da'da 5 sano haddii aysan weli u qalmitaanka ka weynaamin.
- Carruurta da'doodu tahay 0 ilaa 4 bisha Sebtember 1 ee sannad-dugsiyeedka hadda, ama da'da 5 haddii aysan weli u qalmitaanka ka weynaamin, ee buuxiya mid ka mid ah shuruudaha soo socda:
 - Waalidka ilmaha ayaa ka yar da'da 21 jir isla markaasna hadda ku jira dugsi sare ama dibloomada iskuulada guud (GED®). Waa inaad keentaa caddayn qoran oo ah ka qayb qaadashada hadda oo ku qoran warqada rasmiga ee goobta aad wax ka barato*; ama
 - Haddii uu ilmuhu ku jiro xanaanada kumeelgaarka ah (foster care) adeegyada ilaalinta caruurta (protective services)*; ama
 - Qoysku haddii ay la kulmeen hoy la'aan 24kii bilood ee lasoo dhaafay*; ama
 - Ilmuhu uu leeyahay walaal la siiyay deeq waxbarasho oo uu ku jira isla barnaamijka, haddii loo heli karo miisaaniyad. Arjiyada loogu talagalay walaalaha u qalmaa uma baahna caddaynta u qalmitaanka dakhliga.

***Xusuusin:** Mudnaanta siinta deeqda waxbarasho waxaa la siiyaa carruurta buuxisa shuruudaha u qalmidda ee lagu calaamadiyey xiddigta (*). Qoysasku waa inay sidoo kale buuxiyaan shuruudaha u qalmitaanka dakhliga ka-dib marka ay buuxiyaan ugu yaraan mid ka mid ah shuruudaha kore.

Laga bilaabo Janaayo 1, 2024, u qalmitaanka da'da waxay ku fidi doontaa dhammaan carruurta da'doodu tahay 0 ilaa 4. Mudnaanta deeqaha waxbarasho waxaa la siin doonaa carruurta ku taxan qaybaha mudnaanta ee sare.

Xasuusin: Deeqda waxbarasho waa la bixinayaa ilaa inta la hayo lacagta deeq waxbarasho. Haddii la go'aamiyo in ilmuhu xaq u leeyahay deeqda waxbarashada carruurnimada hore oo aan loo haynin lacag, waxaa lagu dari doonaa liiska sugitaanka.

Shuruudo dheeraad ah

Waalidka ama mas'uulka sharciga ah ee ilmaha/carruurta oo kaliya ayaa codsan kara Deeqda Waxbarashada ee Waxbarashada Waqtiga Hore - Pathway I, qoyskaaguna waa inay buuxiyaan shuruudaha soo socda:

- **Deegaanka:** Waa inaad haysataan cinwaan Minnesota ah (aad ku nooshahay gobolka Minnesota).
- **Dakhliga:** Waa inaad haysataa dakhliga qoyska oo u dhigma ama ka yar 185 boqolkiiba heerka saboolnimada ee federaalka ama aad qaadato gargaar dadwaynaha oo ka mid ah barnaamij la ansixiyey ee gobolka ama federaalka.

Shaxda hoose waxay ku salaysan tahay tilmaamaha heerarka saboolnimada ee lagu daabacay Diiwaanka Federaalka Janaayo 19, 2023 waxayna ansax tahay abaalmarintu laga bilaabo Luulyo 1, 2023 illaa Juun 30, 2024.

Tirada Qoyska	Dakhliga guud	Tirada Qoyska	Daqliga Guud
2	\$36,482	6	\$74,518
3	\$45,991	7	\$84,027
4	\$55,500	8	\$93,536
5	\$65,009	9**	\$103,045

Qoyskii ka badan sagaal xubnood, ku dar **\$9,509 xubin kasta oo dheeraad ah.

Sideen u Dalbadaa Deeqda Waxbarasho ee Waxbarashada Waqtiga Hore?

1. Qalin buluug/madow ah ama electaroonik ahaan ku buuxi arjiga. Macluumaadka loo baahan yahay waxaa lagu calaamadeeyey xiddig (*).
 - Haddii ilmuhu ku jiro xannaanada korinta (foster care), hay'adda adeega bulshada ee degmada ama qabaa'ilku waa inay dhammaystiraan oo saxiixaan arjiga. Waalidka xanaanada korintu (foster parent) si toos ah uma dalban karaan deeq waxbarasho.
2. Ku soo lifaaq dukumentiyada loo baahan yahay si aad u muujiso u qalmitaankaaga. Eeg Bogga 7 & 8 ee shuruudaha Xulashada 1 (Caddaynta in aad ku jirto barnaamij dowladu maalgelisay) ama bogga 7 & 8 si aad u hesho shuruudaha Xulashada 2 (Caddaynta dakhliga).
 - Haddii aad ku codsanayso u qalmitaanka in aad tahay waalid ka yar 21 sano jir, qofka codsanayaa waa inuu keenaa caddayn qoraal ah oo ku saabsan in kuu ku jiro qaadashada dibloomada dugsigaa sare ama GED® oo ku qoran warqada rasmiga ah ee iskuulka aad ka qaadanayso fasalada ee aad adiga waalidka ah dhigato.
3. Akhri Heshiiska si aad ugu Hogaansanto Shuruudaha iyo Digniinta Tennesen.
4. Qalin buluug/madow ah ama electaroonik ahaan ku saxee oo taariikhda ku qor arjiga.
5. U soo dir arjigaaga asalka ah Maamulaha Nawaaxiga/Aagga adiga oo raacaya tilmaamaha lagugu siiyay qaybta hoose ee Liiska Hubinta Arjiga ee bogga soo socda.

Foomkan waxaa samaysay Waaxda Waxbarashada ee Minnesota mana aha in wax laga beddelo ama la sinaba loo hagaajiyo.

Maalgelinta waxaa bixisay Waaxda Waxbarashada ee Minnesota iyadoo la adeegsanayo maaliyada gobolka si ay u taageerto maamulida barnaamijyada deeqda waxbarashada ee waxbarashada waqtiga hore, Minnesota Statutes, section 124D.165.


Liiska Hubinta Arjiga

Dib u fiiri liistada hoose si aad u hubiso inaad haysato wax kasta oo aad u baahan tahay arjigaaga:

- Buuxi dhammaan qaybaha loo baahanyahay ee arjiga. Qaybaha lagu calaamadeeyey xiddig (*) waa loo baahan yahay. Dhammaan macluumaadka kale waa ikhtiyaari.
- Foomkan qalin buluug/madow ah ama elektaroonik ahaan ku buuxi.
- Si taxaddar leh u akhri qodod kasta oo heshiiska ah si aad ugu **Hogaansanto qaybta Shuruudaha iyo Digniinta Tennessen.**
- Qalin buluug/madow ah ku saxeeex oo taariikhda ku qor arjiga.
 - *Ikhtiyaari:* Akhri heshiiska ku saabsan ka-qaybgalka qiimeynta oo ku qor xarfaha magacaaga u horeeya si aad u bixiso ogolaansho.
- Ku soo lifaaq dhamaan dukumentiyada taageeraya oo dhan arjiga xagiisa dambe. Dukumiintiyada taageeraya waxaa ka mid ah:
 - Xulashada 1 (Option 1): Dukumentiyada muujinaya in aad hadda ka qayb qaadato mid ka mid ah barnaamijyada dowlada ee la ogolyahay ee ku taxan bogga 7 & 8.
 - Xulashada 2 (Option 2): Dukumentiyada dakhliga oo ay la socoto *Xulashada 2: Dadka qaangaarka ah ee Qoyska iyo Foomkooda Xaqiijinta Dakhliga ee Shaxda Bogga 7 & 8 ee arjiga.*
 - Haddii xubnaha qaangaarka ah ee qoyska midkoodna uusan lahayn wax dakhli ah, waa in foomka *Caddaynta Dakhli La'aanta (Household Declaration of No Income)* ee ku yaal Bogga 11 uu soo buuxiyo hal qof oo qaangaar ah oo qoyska ka mid ah oo lasoo raaciyo arjigaaga.
 - Haddii aad tahay waalid ka yar 21 sano jir oo aad ku jirto qaadashada dibloomada dugsiga sare ama GED®, waa in aad keento caddeyn qoraal ah oo ku qoran warqada rasmiga ah ee iskuulka aad ka qaadanayso fasalada ee aad adiga waalidka ah dhigato.
- Boostada ku soo dir ama u keen **arjiga asalka ah** Maamulaha Nawaaxiga/Aagga ee hoos ku qoran.
- Hayso ugu yaraan hal koobi oo ah arjiga iyo lifaaqyada si aad u haysato caddayntaada.

Soo dir Arjiga

U soo dir arjigaaga dhameystiran iyo dukumintiyada u qalmitaanka Maamulaha Aaggaaga:

 <p>think small LEADERS IN EARLY LEARNING</p>	<p>Think Small ATTN: Early Learning Scholarship 10 Yorkton Court Saint Paul, MN 55117</p> <p>Email: ApplyELS@thinksmall.org Phone: 651-641-6604</p>
--	---

Maamulaha Nawaaxiga/Aagga ayaa wuxuu kuu soo diri doonaa warqad si uu kuugu wargaliyo halka ay marayso xaalada Deeqda Waxbarashada Waqtiga Hore ee Pathway I ee ilmaha. Haddii aad wax su'aalo ah qabto, lasoo xiriir Maamulaha Nawaaxiga.

Dokumentiyada maqan sida Caddaynta ka qaybgalka barnaamijka ama dakhliga, ama saxiixyada maqan ayaa sababi kara dib u dhac.